

## ԱՍՏԳԻԿ ԳԵՎՈՐԳՅԱՆ

## ՄԱՐԿՈՍ ՊԱՏԿԵՐԱՀԱՆ

(ԺԷ դ., Կ. Պոլիս)

Հայ միջնադարյան ձեռագրերից ոչ բոլորն են, որ ունեն իրենց ինքնությունը հաստատող հավաստի վկայություններ. հայտնի չեն գրչության վայրը, ժամանակը, մասն առնալը և ծաղկողը: Այդ իսկ պատճառով դրանցից շատերը դուրս են մնացել գիտական տեսադաշտից:

Նույն բախտին էր արժանացել մասն Պալաթիայի Սուրբ Հրեշտակապետաց եկեղեցու թիվ 18 Ավետարանը:

Դոկտոր Պարույր Մուրադյանը ժամանակին Երևան է բերել մատյանի մանրանկարների մասնահանությունը և հանձնել արվեստաբան դոկտոր Հրավարդ Հակոբյանի քննությանը: Ելնելով ձեռագրի մանրանկարների ոճական ու պատկերագրական առանձնահատկություններից, պրոֆ. Հակոբյանը հաստատել է Գ. Փամբուքյանի այն կարծիքը, թե ձեռագիրն իրոք պետք է վերագրել ԺԷ դարին, իսկ նկարազարդումը հիշեցնում է Կ. Պոլսի շքեղազարդ մատյանները: Ավետարանի ուսումնասիրությունն իր մի քանի գումատիպ պատկերներով հրատարակվել է «Ծողակաթ» հանդեսում<sup>1</sup>:

Կ. Պոլսի հայ գաղթօջախի գրչատներում ստեղծված և Մաշտոցի անվան Մատենադարանում պահվող մատյանների ուսումնասիրությունը մեզ հանգեցնում է այն մտքին, որ Պալաթիայի Սուրբ Հրեշտակապետ եկեղեցու թիվ 18 Ավետարանը պետք է գրչագրված լինի Կ. Պոլսի Ս. Հրեշտակապետաց եկեղեցուն կից գրչատանը և ընդօրինակված տեղի վարպետ նկարիչ Մարկոս Պատկերաբանի ձեռագիր օրինակից: Այդ են հաստատում Ավետարանի պատկերագրական մանրամասների նույնությունը՝ ավետարանիչների, ճրանց խորքերի ճարտարապետական կառույցների ձևավորումն ու գունային համադրման միևնույն լուծումը: Ստեղծված դիմապատկերները ոճական առումով տարբեր են. Մարկոս Պատկերաբանի ստեղծած կերպարներն անհամեմատ ավելի կատարյալ են: Այստեղ նկատելի է ԺԷ դարի նոր զարգացող գեղանկաչական արվեստի նկատմամբ ցուցաբերվող մոտեցումը:

<sup>1</sup> Հակոբյան Հ., Պալաթիայի Սուրբ Հրեշտակապետ եկեղեցու թիվ 18 նկարազարդ Ավետարանը, «Ծողակաթ» եկեղեցական մշակութային բանասիրական հանդես, 1995, էջ 70:



Պալաթիայի թիվ 18 ձեռագրի նկարների սերտ աղերսները Մարկոս Պատկերահանի արվեստի հետ առիթ հանդիսացան ներկայացնելու ԺԷ դարի այս շնորհալի նկարչի ստեղծագործական ժառանգության համառոտ նկարագիրը:

Կ. Պոլիսը 17-րդ դարում առևտրական մեծ կենտրոն էր դարձել: Այստեղ էին ձգտում նաև հայ վաճառականներն ու արհեստավորները, կառուցող վարպետներն ու արվեստագետները: Մեծանում էր նաև հայերեն ձեռագրերի պահանջը. պատվիրում էին առավելապես ջրեղ նկարազարդված մատյաններ, որոնք աչքի էին ընկնում իրենց հարուստ գունաշարով, իսկ օգտագործված ոսկին նկարները դարձնում էին ավելի ճոխ ու թանկարժեք:



Մարկոս Պատկերահանի մանրանկարներից

Ձեռագրերի հարուստ նկարազարդման հնարավորությունը նկարչին մղում էր դիմելու ստեղծագործական լայն հնարանքների: Որքան հնարավոր էր, կանոնական նկարները հարստացվում էին նորանոր թեմատիկ պատկերներով, որոնցից շատերն ստեղծելիս նկարիչն արդեն ազատ էր իր ընտրության մեջ և որքան հնարավոր էր, աշխատում էր ընտրել այնպիսի հորինվածքներ, որոնք առնչվում էին իրական կյանքի, մարդկանց կենցաղի մեջ մտած սովորությունների հետ:

Այս տեսակետից բացառիկ արժեք ունեն 17-րդ դարի Կ. Պոլսի հայ մանրանկարիչ Մարկոս Պատկերահանի ստեղծագործությունները: Նրա մասին մեզ հասած կենսագրական տեղեկությունները շատ չեն: Իր ընդօրինակած ձեռագրերում պահ-



պանված մակագրություններից կարելի է իմանալ, որ մա ապրել ու ստեղծագործել է Կ. Պոլսում<sup>2</sup>: Եղել է մաև Էջմիածնում, որտեղ մկարիչ Մաղաքիա Կոստանդնուպոլսեցու հետ մկարագարողել է Կ. Պոլսից բերված Աստվածաշունչը<sup>3</sup>: Այս վերջին տեղեկությունը խոսում է այն մասին, որ Մարկոսը ամուսնավատնական մկարիչ էր և որպես այդպիսին հավանաբար հրավիրվել էր Էջմիածին: Տեղեկություն կա մաև մրա որդու՝ Գաբրիելի մասին, որը մուսուլման գաղվել է մանրամկարչությամբ՝ անշուշտ սկզբնական կրթությունն ստանալով հոր արվեստանոցում: Այդ մասին Մարկոսը գրում է. «Եւ գծադկող սորին Մարկոս Պատկերաբանս եւ զորդեակն իմ՝ գԳաբրիել Պատկերաբանս»<sup>4</sup>:



Մարկոս Պատկերաբանի մանրամկարներից

Մարկոսի մկարագարողումով մեզ մայտմի է տալմեկ ձեռագիր, որոմցից երեքը գտմվում են Մաշտոցի անվան Մատենադարանում, վեցը՝ Երուսաղեմի Ս. Հակոբյանց Մատենադարանում, մեկը՝ Վենետիկի Մխիթարյան Մատենադարանում, և մեկը՝ Էջմիածնի Մայր Աթոռի Մատենադարանում<sup>5</sup>: Ձեռագիրն ընդօրինակել է 17-րդ դարի երկրորդ կեսին, 1651-1686 թթ.: Նրա աշխատանքի հիմնական վայրերը եղել են Կ. Պոլսի Ս. Նիկողայոս և Ս. Հրեշտակապետաց հայկական եկեղեցիների

<sup>2</sup> ՄՄ Ձեռ. 349, 1686 թ., Կ. Պոլիս, Էջմիածին:

<sup>3</sup> Երուս. Ձեռ. 2289, էջ 36:

<sup>4</sup> Գեորգեան Ա., Հայ մանրամկարիչներ: Մատենագիտություն IX-XIX դդ., Գաբիրե, 1998 թ., էջ 376: Մարկոսի ընդօրինակած ձեռագրերի մասին լրացուցիչ տեղեկություններ տե՛ս Նորայր արքեպս. Մովսեկյան, Հայ մկարողներ (ԺԱ.-ԺԷ դդ.), Երուսաղեմ, 1989, էջ 209:

<sup>5</sup> ՄՄ Ձեռ. 2577, թ. 316 ք:



կից գրչատները: Մարկոսը, բացի իր որդուց, ունեցել է նաև այլ աշակերտներ: Դպիր Մատթեոս Չափարեցին 1655 թ. Կ. Պոլսում մկարագարդած Ավետարանում հիշատակում է, որ մասնագիտական կրթությունն ստացել է վարպետ Մարկոսի մոտ<sup>6</sup>: Հիշատակարաններից տեղեկանում ենք նաև, որ թե՛ Մարկոսը, և թե՛ որդին կոչվել են «Պատկերահամ»: Պետք է ենթադրել, որ նրանց հիմնական զբաղմունքը եղել է դիմանկարչությունը: Այդ մասին են վկայում դիմանկարների այն հարուստ շարքը, որ հանդիպում է Մարկոս Պատկերահամի ընդօրինակած 1651 թվականի Հայսմավուրքում: Այստեղ կարելի է տեսնել սրբերի շարքը դասված միջնադարյան գործիչներից շատերի դիմապատկերները՝ Սահակ Պարթև, Մեսրոպ Մաշտոց, Մովսես Խորենացի, Եղիշեն, Հովհան Օձնեցի, Գրիգոր Նարեկացի, Ներսես Օհորհալի և ուրիշներ: Պատկերահամն իր մակագրությունները թողել է Հայսմավուրքի լուսանցքներում մկարված սրբապատկերներից մի քանիսի վրա: Դրանք մնացել են անհայտ, որի պատճառով ձեռագրի մանրամկարները մինչև այժմ դիտվում էին որպես անհայտ հեղինակի գործեր:

Թվարկված դիմապատկերները, ինչպես տեսանք, մկարչին ոչ ժամանակակից մարդիկ են, այսինքն՝ մտացածին մկարներ: Սակայն հմուտ պատկերահամի վերձնած յուրաքանչյուր պատկեր ունի տվյալ անձը բնորոշող համոզիչ հորինվածքային լուծում: Այսպես, օրինակ, Մովսես Խորենացու ձեռքին կա բացված գիրք, իսկ կողքին՝ եկեղեցի, որի շնորհիվ հորինվածքի ամբողջությունը խորհրդանշում է Եկեղեցու և հայ մշակույթի դերը հայ ժողովրդի հարատևության համար: Կամ՝ Մեսրոպ Մաշտոցը, որպես հայկական տառերի ստեղծող, պատկերված է բացված մատնանը բարձր պահած:

Արժեքավոր են նաև Ավետարանները հարդարող տեղումնական պատկերները: Առանձին հետաքրքրություն են ներկայացնում խորհրդատետրերը՝ իրենց ծիսական բազմաբնույթ պատկերներով, որոնցից մեկում Մարկոսը պատկերել է ինքնագլարը<sup>7</sup>:

Մարկոս Պատկերահամի արվեստի գնահատելի կողմերից առավելագույն արժեքավորն այն է, որ նա, բացի այն, որ կրոնական կանոնական պատկերները համեմունք է միջավայրի առարկաներով, միաժամանակ գրքի բովանդակությունից ծաղկաքաղ է անում համապատասխան մոտիվներ և դրանք օգտագործում զուտ աշխարհիկ կյանքի հետ առնչվող թեմատիկ պատկերներ ստեղծելու նպատակով: Ամենուրեք զգացվում է մկարչի համակրանքը աշխատավոր մարդու և նրա առօրյա զբաղմունքի հանդեպ: Այդպիսի մի տպավորիչ գեղարվեստական պատկեր է Աստվածաշնչի «Իմաստութիւն Սիրաքայ» գրքի «Օրենագետի առաւելութիւնը արհեստաւորի վրայ» (Գլ. ԼԸ 25) պատումից բխող մկարաշարը: Նկարիչն ստեղծել է

<sup>6</sup> ՄՄ Ձեռ. 1502:

<sup>7</sup> Երուս. Ձեռ. 2276, թ. 4:



հողագործի, դարբնի, ճարտարապետ-նկարչի աշխատանք ներկայացնող ուշագրավ պատկերներ:

Մարկոս Պատկերաբանի ստեղծագործություններում արտահայտված են մանտոցիալ-կենցաղային վիճակներ: Այս թեմայի համար հիմք են հանդիսացել Հայսմավուրքներում եղած վարք-վկայաբանությունները: Սրանք մեծ մասամբ պատմագիտական մեծ արժեք ունեն և ներկայացնում են միջնադարյան գեղարվեստական արձակի ուրույն տեսակ:

Հայ միջնադարյան գեղարվեստական արձակը վաղուց արժանացել է հայագետների ուշադրությանը: Հրատարակվել են արձակի տարբեր ժանրերի երկեր՝ առասպելներ, բարոյախոսական խրատներ ու առակներ, քրիստոնեական լեգենդներ ու պարականոն գրույցներ և դրանց մվիրված գիտական ուսումնասիրություններ (Մ. Աբեղյան, Կ. Մելիք-Օհանջանյան, Մ. Ավդաբեկյան, Ա. Սրապյան, Ք. Տեր-Դավթյան): Մանրանկարները լրացնում են գեղարվեստական ստեղծագործությունների շարքը:

Մարկոսի ուշադրությունից չեն վրիպել այնպիսի գեղարվեստական արձակ գործեր, որոնք աղերսվում են ժողովրդական հեքիաթների հետ. դրանք ներկայացված են պատկերավոր հորինվածքներով: Կարելի է հիշատակել՝ «Երեմիա մարգարեին եւ աշակերտաց մորա եւ Աբամելիքա», կամ «Տօն է Մովսէսի եւ Ահարոնի եւ քվեր մոցա»: Այս վերջինում Մարկոսը պատկերել է, թե ինչպես Փարավոնին են ներկայացնում մամկանը, որի անմեղությունը փորձում են ոսկով ու կրակով: Նման պատմություն ծանոթ է հայկական ժողովրդական բանահյուսությունից՝ «Սասնա ծռեր» էպոսից, որտեղ Մարա Մելիքը փորձում է մամուկ Դավթին չամիչով ու կրակով:

17-րդ դարի հայ գաղթօջախների մանրանկարչությունն ուներ ուրույն ոճավորում ու պատկերագրական ձևավորում: Աստվածաշնչական թեմատիկ նկարներում թափանցում էին հատկապես քաղաքային կյանք մուտք գործած եվրոպական սովորույթներն ու մտածողությունը: Փոխվել էր ման ձեռագրերի պատվիրատուների սոցիալական պատկանելությունը: Դրանք մեծ մասամբ մեծահարուստ վաճառականներ էին, որոնք սերտ հարաբերության մեջ են եղել Արևելքի ու Արևմուտքի երկրների հետ: Նրանք իրենց հետ բերում էին պերճաշուք առարկաներ, որոնց թվում և ձեռագիր մատյաններ: Հայ արվեստին սերտորեն զուգակցում էր եվրոպականը: Կանոնական նկարներից շատերը ստանում էին հորինվածքային մոր ձևավորումներ, որոնցում ներթափանցում էին մեծատան կենցաղի մեջ մտած սովորույթները, իրենք ու առարկաները: Այս ամենն իր արտահայտությունն է գտել ման Մարկոս Պատկերաբանի մանրանկարներում: Ավետարանի «Քրիստոսի ծնունդը» պատկերում մեծ մասամբ ներկայացվում են մոգերի երկրպագությունը, հովիվների ավետումը: Մարկոսի մոտ Աստվածամորն այցելել են հրեշտակներ՝ բերելով ծաղիկներ ու մրգեր, իսկ միջավայրը շքեղ, պոմազարդ սրահն է:



Նկարիչը հաճախ հորինվածքները հետաքրքրական է դարձնում բնապատկերման շնորհիվ: Այդպիսի նկարներից մեկի պլոծեն վերցված է Աստվածաշնչից. «Աստված կանչում է Մովսեսին» (Ելք Գ 2): Պատկերված է գեղեցիկ բնանկար մոտենալ թփերով, որտեղ Մովսեսը ոչխարներ է արածեցնում: Մարկոսն իր հորինվածքների խորքը երբեմն ծածկում է ոչ թե միագույն ներկվածքով կամ ճարտարապետական համալիրով, այլ բնապատկերով: Հաճախ ոճավորված բուսական զարդաներին փոխարինել են բնական ծաղիկներ՝ մեխակ, վարդ, կակաչ, մանուշակ և այլն: Լուսանցքներում պատկերել է առօրյա գործածական այնպիսի իրեր ու առարկաներ, որոնք ոչ մի առնչություն չունեն գրքի բովանդակության հետ. օրինակ, լուսանցքներից մեկում պատկերել է շքեղ սեղանիկ, վրան՝ ժամացույց, մյուս կողմում՝ արձանիկ, իսկ մեջտեղում՝ գեղեցիկ ծաղկաման՝ բնական ծաղիկներով: Մեկ այլ լուսանցքում պատկերված է սեղանիկ, մեջտեղում՝ մրգով լի սկուտեղ և շուրջը՝ ծաղիկներ:

Քիչ չեն մաս պատկերագրություններում ներմուծված արհեստավորական երկրագործական գործիքներն ու զենքերի հարուստ տեսակները, երաժշտական գործիքները, որոնք մեծ արժեք են ներկայացնում մաս ազգագրության համայնք:

Գեղեցիկ են Մարկոսի ստեղծած զարդատառերը, որոնք կազմված են գանգալան թռչունների, կենդանիների ու մարդկանց պատկերների համադրությամբ, սքանչելի սիրամարգերի կամ վիշապների ու օձերի հյուսվածքներով, մարդկանց ու կենդանիների ճկուն կեցվածքներով:

Մարկոս Պատկերաբանի ստեղծած կանացի կերպարներն արտահայտում են հմայք ու մայրական գործվածք (Սուրբ Սոփիային նվիրված տոմի առթիվ պատկերված է Ս. Սոփիան իր դուստրերի հետ):

Հետաքրքրական են նկարչի նկարազարդ խորանների զարդամոտիվները, որոնց մեկնությունները հավանաբար կատարել է ինքը: Դրանք գրված են յուրաքանչյուր խորանի տակ: Հայտնի են Ստեփանոս Սյունեցու, Ներսես Ծնորհալու, Գրիգոր Տաթևացու և ուրիշների կատարած մեկնությունները, որոնք Եկեղեցու կողմից սահմանված խիստ կանոնական, զուսպ նկարաշար ունեն: Ծնորհալու խորանազարդերի կանոնական ձևերը համապատասխանում են նրա սահմանած եկեղեցական այն կանոնին, որտեղ, ինչպես Զանաշյանն է նշում, Ծնորհալին կողմնակից է «սանձելու արտակարգ երևակայությունը, չափավորելու ճոխություններ զարդելու, մնալու համար սրբազան շունչի սահմանին մեջ»<sup>8</sup>: Հակառակ դրա, Մարկոսի խորանների մեկնությունները ոչ թե պատճառաբանում են խորանազարդի յուրաքանչյուր հատվածի իմաստը, այլ պարզապես ներկայացնում են, թե ինչ պետք է նկարել և ինչպիսի հորինվածքով:

Մարկոս Պատկերաբանի վարպետությունն առանձնապես զգացվում է նկարների գունաշարի շատ ճաշակավոր ընտրության ու համադրման մեջ: Թե՛ ողորկ

<sup>8</sup> Հ. Մ. Ծանաշյան, Հայկական մանրանկարչություն, Վենետիկ, 1966, էջ 8:



մագաղաթը, թե՛ օգտագործած հարուստ մեքենայական, որոնց պայծառ գույները չեն կորցրել իրենց թարմությունը, և թե՛ մուրք բոլորգիրն ու ոսկեզարդման առատությունը Մարկոսի ձեռագրերը դարձրել են առավել արժեքավոր:

Մարկոս Պատկերահամի ստեղծագործությունները մեծապես արժեքավորվում են նաև պարականոն մկարների հարուստ շարքով: Նկարիչը վեր է հանել ժամանակի ոգուն հարազատ տրամադրություններ՝ ձեռագրերի հարդարման համար ընտրելով ժողովրդական սոցիալ-կենցաղային հարցերի հետ առնչվող թեմաներ, որոնց հիմքը հայ և օտար ժողովուրդների անցյալից եկած սովորույթներն են ու բարոյախոսական տրամադրությունները: Այդ իսկ առումով Մարկոս Պատկերահամը մեծ ներդրում ունի հայ արվեստի, ինչպես նաև հայ հնագիտական, պատմական ու ազգագրական հարցերի լուսարանման գործում:

Մի երկու խոսք էլ Մարկոս Պատկերահամի որդու՝ Գաբրիելի մասին: Թե՛ Մարկոսի, և թե՛ Գաբրիելի ընթերցանական ձեռագրերի հիշատակարաններում հանդիպում են մակագրություններ, որոնք վերաբերում են հայր ու որդու: Նրանք միասին են աշխատել հատկապես «խորհրդատետրեր» մկարազարդելիս: Գաբրիելի մկարազարդած մատյանները հմուտ պատկերահամի ստեղծագործություններ են, որոնք ստեղծվել են 1667-1703 թթ.: Նրա անունը հիշատակվում է որպես «յոյծ արուեստաբան մկարիչ»<sup>9</sup>: Առանձնապես ուշագրավ է Գաբրիելի 1694 թ. պատկերազարդ «Պատմություն Աղեքսանդր Մակեդոնացու» մատյանը<sup>10</sup>: Ինչպես նկատել են արվեստաբան Հայդե և Հելմուտ Բուշհաուզեն ամուսինները, Գաբրիելի գործերը չափազանց հարազատ են 17-րդ դարի Կ. Պոլսում ընթերցանված և Վիեննայում գտնվող մի շարք այլ ձեռագրերի մկարազարդումներին (Վիեննա, Ձեռ. 547, 680, 986): Դրանք բոլորն էլ կատարված են միևնույն ոճով, ուստի կարելի է ասել, որ միևնույն դպրոցի աշխատանքներ են<sup>11</sup>: Գաբրիելի մասին Նորայր արքեպս. Մովսեկանը գրում է. «Կ. Պոլսի յայտնի մանրամկարիչ Մարկոսի որդին էր Գաբրիել դպիր, իր կարգին դարձած յայտնի գրիչ մը և մանրամկարիչ մը, մոյն քաղաքին մէջ»<sup>12</sup>: Կասկած չի կարող լինել, որ Մարկոսի և նրա որդու մկարազարդած ձեռագրերը պետք է ավելի շատ լինեն, որոնք դեռևս բացահայտված չեն: Սակայն պետք է ասել, որ որքան էլ հայր ու որդի աշխատել են միասին, զգացվում է նրանցից յուրաքանչյուրի ոճական ինքնատիպ մոտեցումը՝ հատկապես դիմապատկերներն ստեղծելիս:

Մաշտոցի անվան Մատենադարանում ժամանակին մեզ հայտնի է եղել Գաբրիելի մկարազարդած 1703 թ. 392 խորհրդատետրը, որի մկարչական ոճը մեծ աղերսներ ունի Վիեննայի 1694 թ. «Պատմություն Աղեքսանդր Մակեդոնացու» հա-

<sup>9</sup> ՄՄ, Ձեռ. 392:

<sup>10</sup> Վիեննա, Ձեռ. 319:

<sup>11</sup> Հայդե և Հելմուտ Բուշհաուզեն, Նկարազարդ հայկական ձեռագիրն ի Վիեննա, 1978, էջ 43-45:

<sup>12</sup> Նորայր արքեպս. Մովսեկան, Հայ մկարողներ (ԺԱ-ԺԷ դդ.), Նորաաղեմ, 1989:



րուստ պատկերաշարով № 319 ձեռագրի հետ: Մեր Մատենադարանում նույնպես ունենք Աղեքսանդրի պատմության մեկ այլ ձեռագիրը, որի գլարիչն ամհայտ է համարվում: Ձեռագիրը գրված է Կ. Պոլսում, 1695 թ.: Այժմ համեմատելով Վիեննայի № 319-ի հետ տեսնում ենք, որ այս երկու ձեռագրերում նույնն է գրությունը (նոտր-գիր), բնագրերի խորագրերի ցանկերը, միանգամայն նույնն են պատկերագրական կառուցումները, կերպարների ոճական մշակման եղանակները և նույնիսկ երկու ձեռագրերն էլ ունեն միևնույն պատվիրատուն՝ Կ. Պոլսի Պատրիարք Եփրեմ վարդապետը: Դոկտոր Հ. Սիմոնյանը «Պատմություն Աղեքսանդր Մակեդոնացու» ուսումնասիրության մեջ անդրադառնալով այս երկու մատյաններին, կատարում է այն եզրահանգումը, որ այս երկու ձեռագրերը կա՛մ միևնույն անձինն են, կա՛մ ընդ-օրինակված մեկը մյուսից<sup>13</sup>: Նորովի ուսումնասիրելով՝ կարող ենք ասել, որ Մաշ-տոցյան Մատենադարանի № 7677 ձեռագրի ամհայտ գլարիչը իրոք Վիեննայի թ. 319 ձեռագրի միևնույն Գաբրիել պատկերահանն է՝ Մարկոս Պատկերահանի որդին:

Ինչ վերաբերում է Կ. Պոլսի № 18 Ավետարանի ընդօրինակող վարպետին, այս-տեղ մեծ աղերս է գկատվում դարձյալ Կ. Պոլսում գրված, բայց Վիեննայում գտնը-վող № 986 Ծարակնոցի ամհայտ գլարչի աշխատանքների միջև:

Բոլոր դեպքերում՝ թե՛ Գաբրիելը, և թե՛ հիշված անանուն գլարիչները 17-րդ դարի երկրորդ կեսի և 18-րդ դարի առաջին կեսի Կ. Պոլսի միևնույն կրթօջախի գլարիչներ են և հիմնականում աշխատել են Ս. Գևորգ Զորավարի Սուլու մենաս-տանում: Մեզ են հասել մաս Կ. Պոլսի գրիչների ձեռքով ստեղծված հարուստ գկա-րագրարդումներ ունեցող մատյաններ: Դրանցից են, օրինակ, գրիչներ Հովհաննեսի, Մկրտիչ քահանայի, դպիր Տիրատուրի, Խաչատուրի, Հակոբի, Փիլիպպոսի ընդ-օրինակությունները: Թվարկված գրիչներից մի քանիսը գուցեև գլարիչներ են: Մասնագետների հետագա ուսումնասիրությունները կարևոր ներդրում կլինեն ոչ միայն Կ. Պոլսի հայ գրչության ու մանրանկարչության ավանդույթների պահպա-նումն ու գործունեությունը ճանաչելու, այլև, ընդհանրապես, հայ միջնադարյան ար-վեստի պատմությունը հարստացնելու և արժեքավորելու գործում:



<sup>13</sup> Սիմոնյան Ս., Պատմություն Աղեքսանդր Մակեդոնացու, Երևան, 1989, էջ 43: